



Broj: 09/2-16-8-29556-8/24
Sarajevo, 30. 09. 2024. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za javne nabavke utvrđenog u Zapisniku broj: JN1-16-8-29556-7/24 od 25.09.2024. godine, u postupku nabavke usluga štampanja prema potrebama Ministarstva inostranih poslova BiH, **donosim:**

ODLUKU
o izboru najpovoljnijeg ponuđača

Ponuđač „Zedina“ d.o.o. Doboj – Istok, Gračanica sa ponudom zaprimljenom kod ugovornog organa dana, 20.09.2024. godine pod brojem: 09/2-16-8-29556-3/24, proglašava se najpovoljnijim, te se imenovanom ponuđaču dodjeljuje ugovor za nabavku usluga štampanja prema potrebama MIP BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09/2-16-8-29556-1/24 od 23.08.2024. godine, u kojoj je predviđeno da procijenjena vrijednost nabavke iznosi iznosi 20.000,00 KM bez PDV-a.

Obavještenje o nabavci objavljeno je na Portalu javnih nabavki dana, 13.09.2024. godine pod brojem: 253-7-2-25-3-48/24 i u „Službenom glasniku BiH“, broj: 63/24 od 20.09.2024. godine.

Nabavka je provedena putem konkurentskog zahtjeva za dostavljanje ponuda i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku nabavke štampanja prema potrebama MIP BiH, broj: JN1-16-8-29556-7/24 od 25.09.2024. godine, konstatovala da su do roka prijema ponuda, 23.09.2024. godine, pristigle ponude sljedećih ponuđača:

1. „Zedina“ d.o.o. Doboj – Istok, Gračanica, dana, 20.09.2024. godine u 08:04 časova, sa ukupnom cijenom ponude u iznosu od 23.096,62 KM, odnosno u iznosu od 19.740,70 KM bez PDV-a i
2. „Svjetlost-bh print“ d.o.o. Ilidža, Sarajevo, dana, 20.09.2024. godine u 13:50 časova, sa ukupnom cijenom ponude u iznosu od 57.330,38 KM, odnosno u iznosu od 49.000,75 KM bez PDV-a

zaključno sa rednim brojem 2 (dva).

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da je ponuda ponuđača „Zedina“ d.o.o. Doboj – Istok, Gračanica ispunjava formalno-pravne, ekonomske i tehničke uslove tenderske dokumentacije, te je ista prihvatljiva i može biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je konstatovala da je ponuda ponuđača „Svjetlost-bh print“ d.o.o. Ilidža, Sarajevo neprihvatljiva, jer ukupna cijena ponude premašuje procijenjenu vrijednost nabavke, odnosno planirana/osigurana novčana sredstva ugovornog organa za predmetnu nabavku i ista ne može biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Tačkom 2.3.1. tenderske dokumentacije propisani kriterij za dodjelu ugovora je bio „najniža cijena“.

Komisija je u skladu sa tačkom 5.4. tenderske dokumentacije, izvršila provjeru računске ispravnosti prihvatljive ponude i utvrdila da ista nema računskih grešaka.

S obzirom da je pristigla samo jedna prihvatljiva ponuda, Komisija je konstatovama da se u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), ista ne može zakazati, iako je bila propisana tačkom 2.4.1. tenderske dokumentacije.

Cijeneći navedeno, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga štampanja prema potrebama MIP BiH, dodijeli ponuđaču **„Zedina“ d.o.o. Doboj – Istok, Gračanica sa ukupnom cijenom ponude u iznosu od 19.740,70 KM bez PDV-a.**

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



MINISTAR

Elmedin Konaković

Elmedin Konaković

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.